



**Adami Tanneri E Societate Iesv, S. Theologiæ D. Et In
Academia Ingolstad. Professoris, Theologiæ Scholasticæ
Tomus ...**

Cum triplici Indice

De Fide, Spe, Charitate, Ivstitia, Religione, caeterisq[ue] virtutibus [et]
vitijs: ac varijs hominum statibus. Secvndæ Secvndæ S. Thomæ
Aqvinatis Respondens

Tanner, Adam

Ingolstadii, 1627

Serenissimo Ac Potentissimo Principi, Ac Domino Domino Leopoldo,
Archidvci Avstriæ, Dvci Bvrgvndiæ, Styriæ, Carinthiæ, Carniolæ, Et
Wirtenbergæ, Comiti Habspvrgi, Tyrolis, Et Goritiæ, Landgravio ...

[urn:nbn:de:hbz:466:1-72877](https://nbn-resolving.org/urn:nbn:de:hbz:466:1-72877)

SERENISSIMO AC PO-
TENTISSIMO PRINCIPI, AC
DOMINO DOMINO
LEOPOLDO,
ARCHIDVCI AV-
STRIÆ,
DVCI BVRGVNDIÆ, STYRIÆ,
CARINTHIÆ, CARNIOLÆ, ET
WIRTENBERGÆ,
COMITI HABSPVRGI, TYRO-
LIS, ET GORITIÆ,
LANDGRAVIO ALSATIÆ, &c.



UI hunc de Fide, Justitia, Religio-
ne, cæterisque annexis Virtutibus,
Scholasticæ Theologiæ Tomum,
SERENISSIME PRINCEPS, aut maio-
ri offerre iure deberem, aut promptiore deuo-
tione vellem, præter SERENITATEM VESTRAM,
inueni neminem. Ea fidei religionisque in Au-
gustissima Domo AVSTRIACA vniuersâ puritas, &
splendor, cum ingenti zelo coniunctus, toto ter-
rarum orbe emicat, vt quod ipsa sibi quondam
sui splendoris ac sublimitatis, in RVDOLPHO,
primo eiusdem familiæ Cæsare, fundamentum

præstruxit, singularem scilicet fidem ac religionem in Magnum illud & Diuinissimum FIDEI MYSTERIVM, id non solùm hæctenus in seipsa inconcussum tueatur, sed etiam magnis incrementis, in subditos sibi populos ac gentes, quantumuis vndique magna vi obsistentibus ac obnitentibus inferi portis, summâ constantiâ fortunatissime propaget; ac sicubi forsan collapsum est, denuò erigat ac restituat.

• Et vero est, cur in hoc genere, inclitæ AVSTRIACÆ DOMVI speciatim iure meritissimo obstrictam sese profiteatur TYROLIS, cum adiunctis Prouincijs SERENITATIS VESTRÆ Imperio subditis. Iam enim ex propinquo incendio, ab Orco, Lutheri follibus excitato, grauis nidor ipsam etiam Tyrolim afflauerat: iam prope ipsam Tyrolis Metropolim, & Archiducalem Residentiam OENIPONTVM, patriam meam, scintillæ exitialis incendij in publicum conspectum sese dederant: iam alijs quibusdam prouincijs, Catholicorum alioqui & Optimorum Principum imperio subiectis, pertinax flamma, perruptis repagulis, in grande incendium eruperat: cum ecce insuperabili fortitudine ac constantia, Serenissimus Archidux FERDINANDVS, felicissimæ memoriæ

Prin-

Princeps, Patruus & Antecessor SERENITATIS VESTRÆ, sese pro tuenda domo Domini, veraque & auitâ Maiorum fide & religione defendenda, impenetrabilem MVRVM opposuit; suaque authoritate, cura, & industria periculum ita auertit, vt & Tyrolim, & cæteras ditiones ac prouincias suas omnes ab eo sectarum vndique grassantium incendio felicissime seruaret.

Quo factum pariter est, vt Gymnasium Collegiumque Societati nostræ, iam antea à pijsissimo & Augustissimo Cæsare FERDINANDO, inclitæ memoriæ AVO SERENITATIS VESTRÆ, in eadem vrbe Oenipontana liberalissime erectum ac fundatum, propagando, vna cum bonis literis, pietatis studio, maiores tam in Iuuentute, quam reliquo populo, lætioresque fructus faceret; & non mihi solum, sed & innumeris alijs, iam inde à prima pueritia eius institutione formati, magno ad optabilem totius reliquæ vitæ decursum commo-
modo emolumentoque esset.

Quod si vera FIDES & in DEVM RELIGIO, totius pietatis ac felicitatis Christianæ fundamentum est, sine qua placere DEO, ac saluus esse nemo potest; quâ qui carent, iam à Deo iudicati, æternisq; supplicijs addicti sunt: quid nō Principi suo debent fideles subditi, omnesque eorum

posteris; qui eidem ipsam etiam veram fidem & religionem in acceptis referre debent? qui si aut alium in sua patria habuissent Principem, aut aliam quampiam nacti fuissent patriam, eodem infidelitatis caliginoso incendio, pari cum popularibus conditione, æternum fortasse inuoluti periissent.

Equidem SERENISSIME PRINCEPS, hoc beneficium, secundum Deum, à Patria, Patriæque Rectoribus potissimum acceptum, tanti æstimo, ut vel ob hanc maxime causam, iuxta Aristotelis doctrinam, censeam, nec parentibus, nec patriæ eiusque Rectoribus pro acceptis beneficijs æqualem gratiam reddi vnquam posse.

Cuius mei sensus, apud SERENITATEM VESTRAM, eiusdem nunc patrij soli Dominum ac Moderatorem, hoc ipsum de Virtutibus Opus, exstare volui publicum monumentum: ut quia tantis beneficijs paria facere non possum; scripsisse tamen; & ad posteritatis memoriam, meam ipsius obligationem, perpetuus debitor futurus, quasi publicis tabulis consignasse videri possem.

Accedunt propria & peculiaria SERENITATIS VESTRÆ, non in meam solum personam

(quam

DEDICATORIA.

(quam & Ingolstadij, & Viennæ, præter omne meritum singularibus gratiæ suæ fauoribus sæpius profecuta est.) sed tum in Societatem nostram vniuersam, tum præcipue in hanc Superioris Germaniæ Prouinciam, præclarissima ARCHIDVCALIS beneuolentiæ & beneficentiæ documenta; quæ tum promouendis ac perficiendis, tum dotandis ornandisque pluribus Collegijs, ac in ijs etiam hoc Ingolstadiensi Collegio liberalissime edidit, & nos scribendo quidem inumbrare, sed opere exæquare nunquam possumus.

Facit nimirum hoc in SERENITATE VESTRA, præter ingenitam Austriacæ benignitatis indolem, & Sanguinis, & Virtutum cum AVGVSTISSIMO FERDINANDO Cæsare Fratre similitudo; vt cuius MAIESTATI quidem SERENITAS VESTRA libens cedit, quantum tamen ad singularem beneuolentiæ, beneficentiæque affectum erga Societatem nostram, suppar non immerito videatur; dignus tanto CÆSARE FRATER, plurimumque Augustissimorum Cæsarum, Regumque Maximorum dignissimus NEPOS, PATRVELIS ac PATRVVS. Cuius inclitæ gratiæ & fauori nos etiam deinceps submissiissime commendamus,

DEVM

EPISTOLA DEDICATORIA

DEVM OPT. MAX. supplicibus votis
enixe rogantes, vt SERENITATEM VESTRAM,
vna cum SERENISSIMA CONIVGE, Tyroli,
cæterisque subditis suis, tum etiam Societati
nostræ, & vniuersæ Ecclesiæ, in multos annos
quam diutissime saluam & incolumem seruet.
Ingolstadij, ipso festo die Purificationis San-
ctissimæ & Immaculatæ Deiparæ Virginis. An-
no M. DC. XXVII.

SERENITATIS VESTRÆ

Humillimus seruus

ADAMVS TANNER. *Tanner*



FACVL-